

গণপ্রজাতন্ত্রী বাংলাদেশ সরকার
বিদ্যুৎ, জ্বালানি ও খনিজ সম্পদ মন্ত্রণালয়
জ্বালানি ও খনিজ সম্পদ বিভাগ
প্রশাসন-২ অধিশাখা
www.emrd.gov.bd

বিষয়: **জ্বালানি ও খনিজ সম্পদ বিভাগের ২০২০-২১ অর্থবছরের এপিএ বাস্তবায়ন অগ্রগতি মনিটরিং সংক্রান্ত এপিএ টিমের পর্যালোচনা সভার কার্যবিবরণী।**

সভাপতি : মোঃ আজিজুল ইসলাম, অতিরিক্ত সচিব (প্রশাসন) ও এপিএ টিম লিডার
জ্বালানি ও খনিজ সম্পদ বিভাগ
তারিখ ও সময় : ৩১-০৫-২০২১, সকাল-১১.০০ ঘটিকা
স্থান : অনলাইন ভিডিও সিস্টেম
উপস্থিতি : রেকর্ডেড

২.০ আলোচনা:

২.১। সভাপতি উপস্থিত সকলকে স্বাগত জানিয়ে সভার কার্যক্রম শুরু করেন। সভাপতির অনুমতিক্রমে এপিএ টিমের সদস্য-সচিব ও উপসচিব (প্রশাসন-২ অধিশাখা) মোছাম্মাৎ ফারহানা রহমান সভার কার্যপত্র উপস্থাপন করেন। সভায় গত ২৯-০৪-২০২১ তারিখে অনুষ্ঠিত সভার সিদ্ধান্ত পর্যালোচনা করা হয় এবং সর্বসম্মতিক্রমে উক্ত সভার কার্যবিবরণী নিশ্চিত করা হয়। উপসচিব (প্রশাসন-২ অধিশাখা) জানান যে, এপিএ মনিটরিং সংক্রান্ত বিগত সভার সিদ্ধান্ত অনুযায়ী মনিটরিং কমিটি কর্তৃক মনিটরিং প্রতিবেদন পাওয়া যাচ্ছে না। মনিটরিং প্রতিবেদনের পরিবর্তে কোন কোন কমিটি কর্তৃক সভার কার্যবিবরণী দাখিল করা হচ্ছে। কিন্তু মন্ত্রিপরিষদ বিভাগের নির্দেশনা অনুযায়ী মনিটরিং সূচকগুলির বিপরীতে প্রমাণক হিসেবে মনিটরিং প্রতিবেদন প্রয়োজন। সভাপতি এ বিষয়ে কমিটির আহ্বায়কদের পুনরায় নজরে আনার জন্য গুরুত্বারোপ করেন এবং অদ্যকার সভায় পুনরায় সিদ্ধান্ত প্রদানের বিষয়ে মতামত ব্যক্ত করেন। উপসচিব (প্রশাসন-২ অধিশাখা) উল্লেখ করেন যে, ২০২০-২১ অর্থবছরের কর্মসম্পাদন চুক্তির আবশ্যিক কৌশলগত উদ্দেশ্যের কতিপয় কর্মসম্পাদন সূচকের লক্ষ্যমাত্রা অর্জন কম হয়েছে। এ বিভাগের উন্নয়ন ও পরিকল্পনা অনুবিভাগের শাখা/অধিশাখায় ই-নথির ব্যবহার তুলনামূলকভাবে অনেক কম হওয়ায় ই-নথির লক্ষ্যমাত্রা অর্জন কম হচ্ছে। বর্তমান করোনা মহামারী পরিস্থিতিতে লক্ষ্যমাত্রা অনুযায়ী অডিট আপত্তি নিষ্পত্তি হচ্ছে না। যথাযথ কারণসহ এ বিষয়ে প্রমাণক সরবরাহ করার বিষয়ে তিনি গুরুত্বারোপ করেন। একটি নতুন ডিজিটাল সেবা হিসেবে এ বিভাগের সিনিয়র সচিব মহোদয়ের দৈনন্দিন কর্মসূচি অনলাইনভিত্তিক করা হয়েছে। কিন্তু অনলাইনে সিনিয়র সচিব মহোদয়ের দৈনন্দিন কর্মসূচি নিয়মিত আপডেট না থাকায় এ কর্মসম্পাদন সূচকের বিপরীতে নম্বর অর্জন হবে না। তাই দৈনন্দিন কর্মসূচি নিয়মিত আপডেট করা প্রয়োজন। সভাপতি আবশ্যিক কৌশলগত উদ্দেশ্যের পিছিয়ে থাকা কর্মসম্পাদন সূচকের লক্ষ্যমাত্রা অর্জনে যথাযথ কার্যক্রম গ্রহণের জন্য সংশ্লিষ্টদের নির্দেশনা প্রদান করেন।

২.২। উপসচিব (প্রশাসন-২ অধিশাখা) আরো উল্লেখ করেন যে, ২০২০-২১ অর্থবছরের এপিএ'র আবশ্যিক কৌশলগত উদ্দেশ্যে এ বিভাগের আওতাধীন ন্যূনতম একটি দপ্তর-সংস্থা/একজন কর্মচারীকে এপিএ বাস্তবায়নের জন্য প্রণোদনা প্রদানের একটি কর্মসম্পাদন সূচক রয়েছে। বিষয়টি যেহেতু নতুন অন্তর্ভুক্ত হয়েছে সেহেতু বিষয়টি বিবেচনার জন্য একটি উচ্চ পর্যায়ের কমিটি গঠন করা প্রয়োজন। সভায় এ সংক্রান্ত বিস্তারিত আলোচনা হয় এবং কমিটি গঠনের বিষয়ে একমত পোষণ করা হয়। বিষয়টি জুন/২০২১ এর মধ্যে নিষ্পত্তি করার জন্য সভাপতি সংশ্লিষ্ট সকলকে নির্দেশনা প্রদান করেন। প্রণোদনা কি হবে সে বিষয়ে মন্ত্রিপরিষদ বিভাগের সংশ্লিষ্ট কর্মকর্তার সাথে এ বিভাগের উপসচিব (প্রশাসন-২) টেলিফোনে আলোচনা করে জানান যে, এপিএ'তে বিষয়টি এ অর্থবছরে নতুন সংযোজিত হওয়ায় এ পর্যায় কেবলমাত্র সনদপত্র ও ক্রেস্ট প্রদান করা সমীচীন হবে।

২.৩। সভায় পেট্রোবাংলার প্রতিনিধি জানান যে, এপ্রিল/২০২১ পর্যন্ত সময়ে তেল/গ্যাসের উন্নয়ন/ওয়ার্কওভার কূপ খননের ৪টি লক্ষ্যমাত্রা অর্জিত হয়েছে। কূপগুলোর মধ্যে রয়েছে শাহবাজপুর-৩, শ্রীকাইল-৪ ও ফেঞ্চুগঞ্জ-৪ ওয়ার্কওভার কূপ এবং সিলেট-৯ উন্নয়ন কূপ। সভায় এপ্রিল/২০২১ পর্যন্ত সময়ের গ্যাস উৎপাদন ও অবৈধ গ্যাস সংযোগ বিচ্ছিন্নকরণ কার্যক্রম পর্যালোচনা করা হয়। এপ্রিল/২১ পর্যন্ত দেশীয় গ্যাস উৎপাদনের পরিমাণ ২৫৬.৯০৮ বিসিএফ এবং আইওসি (বিদেশী) গ্যাস উৎপাদনের পরিমাণ ৪৮৯.৭৭৫ বিসিএফ। এপ্রিল/২০২১ পর্যন্ত অবৈধ গ্যাস সংযোগ বিচ্ছিন্নকরণের পরিমাণ ২১,২৪৬টি।

২.৪। বিপিসির প্রতিনিধি সভাকে অবহিত করেন যে, এপ্রিল/২০২১ পর্যন্ত পরিশোধিত তেল আমদানি ৩৪ লক্ষ মেট্রিক টন এবং অপরিশোধিত তেল আমদানি ১২.৩৪ লক্ষ মেট্রিক টন। তাছাড়া, বর্গিত মাস পর্যন্ত পেট্রোলিয়াম পণ্য বিপণন হয়েছে ৫১.০৬ লক্ষ মে.টন। এ সংক্রান্ত বিপিসির তথ্য/উপাত্ত যাচাই-বাছাই করা হয়। সভাপতি ২০২০-২১ অর্থবছরের এপিএ'র লক্ষ্যমাত্রা বাস্তবায়নে সকলকে আন্তরিকভাবে কাজ করার জন্য নির্দেশনা প্রদান করেন।



অপর পৃষ্ঠায় দৃষ্টব্য

৩। সভায় বিস্তারিত আলোচনা ও পর্যালোচনা শেষে নিম্নরূপ সিদ্ধান্ত গৃহীত হয়:

ক্রমিক	সিদ্ধান্ত	বাস্তবায়নকারী
৩.১	মন্ত্রিপরিষদ বিভাগের নির্দেশনা অনুযায়ী মনিটরিং সূচকগুলোর প্রমাণক হিসেবে মনিটরিং প্রতিবেদন সংশ্লিষ্ট কমিটির নিকট হতে দ্রুত সংগ্রহ করতে হবে।	এপিএ টিম/সংশ্লিষ্ট মনিটরিং কমিটি
৩.২	জ্বালানি ও খনিজ সম্পদ বিভাগের উন্নয়ন ও পরিকল্পনা অনুবিভাগের শাখা/অধিশাখায় ই-নথির ব্যবহার বৃদ্ধি করতে হবে।	উন্নয়ন ও পরিকল্পনা অনুবিভাগ/সংশ্লিষ্ট শাখা
৩.৩	অডিট আপত্তি নিষ্পত্তির বিষয়ে যথাযথ কারণসহ প্রমাণক প্রস্তুতপূর্বক এ বিভাগে প্রেরণ করতে হবে।	বাজেট অধিশাখা/দপ্তর/সংস্থা/কোম্পানি
৩.৪	একটি নতুন ডিজিটাল সেবা হিসেবে অনলাইনে চালুকৃত সিনিয়র সচিব মহোদয়ের দৈনন্দিন কর্মসূচি নিয়মিত আপডেট রাখতে হবে।	সিনিয়র সচিবের একান্ত সচিব/আইসিটি শাখা
৩.৫	২০২০-২১ অর্থবছরের এপিএ'র আবশ্যিক কৌশলগত উদ্দেশ্যে এ বিভাগের আওতাধীন ন্যূনতম একটি দপ্তর-সংস্থা/একজন কর্মচারীকে এপিএ বাস্তবায়নের জন্য প্রণোদনা প্রদানের লক্ষ্যে একটি কমিটি গঠন করতে হবে।	প্রশাসন অনুবিভাগ/প্রশাসন-২ শাখা

৪। সভায় আর কোন আলোচ্য বিষয় না থাকায় উপস্থিত সকলকে ধন্যবাদ জানিয়ে সভার সমাপ্তি ঘোষণা করা হয়।

স্বাক্ষরিত/-

০৩-০৬-২০২১

(মোঃ আজিজুল ইসলাম)

অতিরিক্ত সচিব (প্রশাসন)

ও

এপিএ টিম লিডার

জ্বালানি ও খনিজ সম্পদ বিভাগ